



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2019 йил 14 март, № 50 (7280)

Пайшанба

Сайтимизга ўтиш учун QR-кодни телефонингиз орқали сканер қилинг.



ҚУЛАЙ ВА ЖОЗИБАДОР БИЗНЕС МУҲИТИ – ТАДБИРКОРЛИК ФАОЛИЯТИНИ РИВОЖЛАНТИРИШНИНГ МУҲИМ ОМИЛИ



Ўзбекистон Республикаси Президенти Шавкат Мирзиёев жойларда амалга оширилаётган бунёдкорлик ишлари, йирик лойиҳалар билан танишиш, халқ билан мулоқот қилиш мақсадида 12-13 март кунлари Навоий вилоятида бўлди.

Ташрифнинг иккинчи куни Президентимиз Навоий шаҳрида вилоят иқтисодиётини ривожлантириш, аҳоли турмуш шaroитини янада яхшилаш масалаларига бағишланган йиғилиш ўтказди. Видеоконференцалоқа шаклида ўтган йиғилишда вилоят фаоллари, депутатлар, давлат ва жамоат ташкилотлари раҳбарлари, шахарлар ва туманлар ҳокимлари, нурунийлар, ёш тадбиркорлар, кенг жамоатчилик вакиллари иштирок этди.

Давлатимиз раҳбари вилоятни комплекс ривожлантиришга қаратилган долзарб вазифаларни белгилаб берди.

Кайд этилганидек, Навоий вилояти юртимиз sanoatининг мустаҳкам устуни бўлиб, унинг 10 фоиз маҳсулотини таъминлайди. Ислохотлар натижасида ўтган йили вилоятда инвестициялар 1,8 баробар, қурилиш ишлари 28 фоиз, хизмат

кўрсатиш 12 фоиз ўсган. Шунингдек, қарийб 1 триллион сўм инвестиция ҳисобига 420 та ишлаб чиқариш ва хизмат кўрсатиш объекти ишга туширилган.

Йиғилишда мавжуд резерв ва имконияتلардан тўла фойдаланилмаётгани таъкидланди. Вилоят иқтисодиёти, асосан, бир нечта йирик корхонага боғлиқ бўлиб қолгани, кичик бизнес ва хусусий тадбиркорлик етарли даражада ривожланмагани қайд этилди.

Вилоятда тадбиркорликни ривожлантиришга жиддий туртки бериш учун шундай қулай ва жозибадор бизнес муҳитини яратиш керакки, нафақат маҳаллий, балки бошқа вилоятлар аҳолиси ҳам бу ерга келиб, тадбиркорлик билан шуғулланишга интилин. Бошқача айтганда, Навоий вилояти — тадбиркорлар вилоятига айланиши керак, деди Шавкат Мирзиёев.

Давлатимиз раҳбари Навоий вилоятини экспортга йўналтирилган инновация ва юқори технологияли ишлаб чиқаришлар бўйича эркин иқтисодий зонага айлантиришни тақдир қилди. Кайд этилганидек, бунинг учун Бош вазир ўринбосари раҳбарлигида махсус комиссия тузилиб, маъмур иқтисодий лойиҳасидан иборат дастур ишлаб чиқилгани маълум қилинди.

Йиғилишда инвестицияларни фаол жалб қилиш, янги замонавий корхоналар ташкил этиш ва аҳолини иш билан таъминлаш масалаларига алоҳида эътибор қаратилди.

Навоий вилоятида 2019-2020 йилларда амалга ошириладиган умумий қиймати 26 триллион 368 миллиард сўмлик 511 инвестиция лойиҳасидан иборат дастур ишлаб чиқилгани маълум қилинди.

Маъмур дастур доирасида 1 миллиард доллар тўғридан-тўғри хорижий инвестиция ва кредитларни ўзлаштириш, 17 минг 400 та янги иш ўрни яратиш режалаштирилган. Жумладан, Навоий иссиқлик электр станцияси, “Қизилқумцемент”, “Навоийазот” акциядорлик жамиятлари ва бошқа тармоқларда 12 та йирик лойиҳа амалга оширилади.

Биринчи навбатда, Нурота, Хатирчи, Томди, Кониمة каби ривожланиш даражаси паст бўлган туманларда янги sanoat корхоналарини ташкил этишга устувор аҳамият қаратиш лозимлиги қайд этилди.

Президентимиз Нурота туманидаги Ҳозгон посёлкасида шаҳар мақоми бериб, уни пардоз тошлари қазиб олиш ва ишлов беришга ихтисослаштирилган sanoat шахрига айлантириш тақдирини илгари сурди. Гранит

ва бошқа пардоз тошларини sanoat усулида қазиб олиш, ишлов бериш ва тайёр қурилиш материаллари ишлаб чиқариш корхоналаридан иборат кластер ташкил этиш бўйича қиймати камида 200 миллион долларлик лойиҳаларни амалга ошириш бўйича топшириқ берилди.

Давлатимиз раҳбари қишлоқ хўжалигидаги имкониятларни ҳам таҳлил қилиб, пахтадан бўшаган майдонларда бозорбоп мева-сабзавот етиштириш, вилоятда томорқалардан самарали фойдаланиш ҳисобига қишлоқ аҳолисини банд қилиш ва даромадини ошириш, томорқаларга экин экишни давлат сиёсати даражасига кўтариш, тикув-трикотаж маҳсулотлари ишлаб чиқариш ва қорақўл тери тайёрлашни кўпайтириш, экспорт ҳажмини ошириш бўйича топшириқлар берди.

Мамлакатимизда давлат хизматлари кўрсатиш тизимини янада такомиллаштириш, аҳоли ҳаёти сифатини, инвестиция иқлиминини, ишчанлик муҳитини яхшилаш, кичик бизнес ва хусусий тадбиркорликни ривожлантиришга алоҳида эътибор қаратилмоқда. Давлат хизматлари марказларида аҳолига тез, сифатли ва кенг турдаги давлат хизматлари кўрсатиш мақсадида қатор ишлар амалга оширилмоқда.

Шавкат Мирзиёев фаоллар йиғилишидан сўнг Навоий шаҳар Давлат хизматлари маркази фаолияти билан танишди.

Марказда электрон навбат тизими жорий этилган, фуқароларга 100 дан ортиқ турдаги давлат хизматлари кўрсатилади. Нотариал хизматлар, фуқаролик ҳолати далолатномаларини ёзиш, паспортни расмийлаштириш, ҳайдовчилик гувоҳномасини алмаштириш ва бошқалар шу ернинг ўзида амалга оширилади.

Мижозларга қулайлик яратиш мақсадида болалар майдончаси, кафе, мутулаа хонаси, бепул Wi-Fi алоқаси ташкил этилган. Бу ерга келганлар улардан фойдаланиб, кутиш вақтини мазмунли ўтказиши мумкин.

Марказга келолмайдиган ҳамда олис овул ва қишлоқларда яшайдиган аҳоли учун махсус транспортларда жойларга чиққан ҳолда хизмат кўрсатилади.

Президентимиз марказ фаолияти билан танишар экан, бундай марказларда асосий мақсад фуқароларни давлат идоралари фаолиятидан рози қилиш эканини таъкидлади.

Давлат хизматлари марказларида энг асосий талаб — муомала маданияти бўлиши керак. Бу ерга келган ҳар бир инсон муаммосига ечим, саволига жавоб топиши ло-

зим. Барча ҳаракатларимиз ана шу мақсадга қаратилган, деди Шавкат Мирзиёев. Президентимиз Халқ қабулхонасининг марказдаги бўлимига кириб, ходимлар билан суҳбатлашди. Аҳоли қандай масалалар бўйича муурожаат қилаётгани билан қизиқди.

Шу ерда Навоий вилоятида тадбиркорлик, кичик бизнес ва хўнарамандчиликни ривожлантиришга доир лойиҳалар тақдироти ўтказилди. Хусусан, эксперимент тариқасида “Навоий — тадбиркорлар вилояти” лойиҳаси амалга оширилади. Бунда қулайлик яратиш мақсадида тадбиркорлик субъектларини рўйхатдан ўтказишда давлат божи икки баробар камайтирилади. Қатор хизмат кўрсатиш соҳаларига имтиёзлар берилади.

Президентимиз давлат хизматлари марказида тадбиркорлар учун хизмат турларини кенгайтириш, хусусан, уларга ер ажратиш, қурилишга руҳсат олиш каби жараёнларни интеграциялаш бўйича кўрсатмалар берди.

Шавкат Мирзиёев Навоий шаҳридаги 3-сонли ички ишлар бўлимини бориб кўрди.

Президентимизга бу ерда яратилган шароитлар, маҳалларда тинчлик-осойишталикни мустаҳкамлаш бўйича олиб борилаётган ишлар ҳақида ахборот берилди. Жорий йилнинг январь-февраль ойларида Навоий вилоятида жиноятлар сони ўтган йилнинг шу давридагига нисбатан 54 фоиз, Навоий шаҳрида эса 63 фоиз камайгани қайд этилди.

Давлатимиз раҳбари хотин-қизлар масалалари бўйича инспекторлар билан мулоқотда аёлларнинг турмуш шaroитини ўрганиб бориш, оғирини енгил қилиш зарурлигини таъкидлади. Агар жамиятимизда адолатли қарор топтирмақчи бўлсак, аввало, хотин-қизларнинг ишончини қозонишимиз, уларни асрашимиз керак. Аёлнинг яшаш тарзи, дунёқараши оила муҳитини белгилайди. Бу фарзандлар тарбияси учун жуда муҳим, деди Шавкат Мирзиёев.

Давлатимиз раҳбари ички ишлар бўлимидаги ситуацияни марказни кўздан кеңирди. Жамоат хавфсизлигини таъминлашга ихтисослаштирилган давлат мақсулотлар яратиш, жиноятчиликни турлари бўйича таҳлил қилиб, уларнинг олдини олиш юзасидан тавсиялар берди.

Шу билан Президент Шавкат Мирзиёевнинг Навоий вилоятига ташрифи аяқуланди.

Ўзбекистон Республикасининг ҚОНУНИ

«Атмосфера ҳавосини муҳофаза қилиш тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида

Қонунчилик палатаси томонидан 2018 йил 30 ноябрда қабул қилинган
Сенат томонидан 2019 йил 28 февралда маъқулланган

1-модда. Ўзбекистон Республикасининг 1996 йил 27 декабрда қабул қилинган **«Атмосфера ҳавосини муҳофаза қилиш тўғрисида»**ги 353-сонли Қонунига (Ўзбекистон Республикаси Олий Мажлисининг Ахборотномаси, 1997 йил, № 2, 52-модда; 2003 йил, № 9-10, 149-модда; Ўзбекистон Республикаси Олий Мажлиси палаталарининг Ахборотномаси, 2006 йил, № 10, 536-модда; 2013 йил, № 4, 98-модда; 2017 йил, № 9, 510-модда) қуйидаги ўзгартиш ва қўшимчалар киритилсин:

1) **2-модданинг матни** қуйидаги тахрирда баён этилсин: «Атмосфера ҳавосини муҳофаза қилиш тўғрисидаги қонун ҳужжатлари ушбу Қонун ва бошқа қонун ҳужжатларидан иборатдир.

Агар Ўзбекистон Республикасининг халқаро шартномасида Ўзбекистон Республикасининг атмосфера ҳавосини муҳофаза қилиш тўғрисидаги қонун ҳужжатларида назарда тутилганидан бошқача қондалар белгиланган бўлса, халқаро шартнома қондалари қўлланилади»;

2) **4-модда** қуйидаги тахрирда баён этилсин:

«4-модда. Фуқароларнинг атмосфера ҳавосини муҳофаза қилиш соҳасидаги ҳуқуқ ва мажбуриятлари

Фуқаролар қуйидаги ҳуқуқларга эга: ўз ҳаёти ва соғлиғи учун қулай атмосфера ҳавосидан фойдаланиш;

атмосфера ҳавосининг ҳолати ҳамда уни муҳофаза қилиш бўйича қўрилаётган чора-тадбирлар тўғрисида тегишли давлат органларидан ўз вақтида ва ишончли ахборот олиш; атмосфера ҳавосига ифлослантирувчи моддалар ва биологик организмлар чиқарилиши ҳамда унга физикавий омилларнинг зарарли таъсир кўрсатиши туфайли ўз соғлиғига ва мол-мулкига зиён етказилган ҳолларда зарарнинг ўрни қопланиши;

атмосфера ҳавосини муҳофаза қилиш масалалари бўйича жамоатчилик фикрини ўрганиши ва жамоатчилик экологик экспертизасини амалга оширишда иштирок этиш.

Фуқаролар: атмосфера ҳавосини муҳофаза қилиш тўғрисидаги қонун ҳужжатлари талабларига риоя этиши; атмосфера ҳавосининг ифлосланишига, камайишига ва унга физикавий омилларнинг зарарли таъсир кўрсатишига олиб келувчи ҳаракатларни содир этмаслиги шарт»;

3) қуйидаги мазмундаги **5¹-5⁴-моддалар** билан тўлдирилсин:

«5¹-модда. Ўзбекистон Республикаси Вазирлар Маҳкамасининг атмосфера ҳавосини муҳофаза қилиш соҳасидаги ваколатлари

Ўзбекистон Республикаси Вазирлар Маҳкамаси: атмосфера ҳавосини муҳофаза қилиш соҳасида ягона давлат сиёсати амалга оширилишини таъминлайди;

атмосфера ҳавосини муҳофаза қилиш соҳасидаги давлат дастурларининг ишлаб чиқирилишини ҳамда амалга оширилишини таъминлайди;

атмосфера ҳавосига ифлослантирувчи моддалар чиқарилиши ва унга физикавий омилларнинг зарарли таъсир кўрсатишини тартибга солувчи техник регламентларни тасдиқлайди;

атмосфера ҳавосини муҳофаза қилиш соҳасида назоратни амалга ошириш тартибини белгилайди.

5²-модда. Ўзбекистон Республикаси Экология ва атроф-муҳитни муҳофаза қилиш давлат қўмитасининг атмосфера ҳавосини муҳофаза қилиш соҳасидаги ваколатлари

Ўзбекистон Республикаси Экология ва атроф-муҳитни муҳофаза қилиш давлат қўмитаси:

атмосфера ҳавосини муҳофаза қилиш соҳасида ягона давлат сиёсатини ишлаб чиқиш ҳамда амалга оширишда идораларо ҳамкорликни таъминлайди;

атмосфера ҳавосини муҳофаза қилиш соҳасидаги давлат дастурларини ва бошқа дастурларни ишлаб чиқиш ҳамда амалга оширишда иштирок этади;

атмосфера ҳавосини муҳофаза қилиш соҳасидаги норматив-ҳуқуқий ҳужжатларни ишлаб чиқишда иштирок этади;

атмосфера ҳавосини муҳофаза қилиш соҳасидаги норматив-ҳуқуқий ҳужжатларни ўз ваколатлари доирасида ишлаб чиқади ва тасдиқлайди;

атмосфера ҳавосини муҳофаза қилиш соҳасида давлат экологик назоратини амалга оширади.

5³-модда. Маҳаллий давлат ҳокимияти органларининг атмосфера ҳавосини муҳофаза қилиш соҳасидаги ваколатлари

Маҳаллий давлат ҳокимияти органлари: атмосфера ҳавосини муҳофаза қилиш соҳасидаги давлат дастурларини ва бошқа дастурларни ишлаб чиқишда ҳамда амалга оширишда иштирок этади;

атмосфера ҳавосини муҳофаза қилиш соҳасидаги ҳудудий дастурларни ишлаб чиқади ва тасдиқлайди ҳамда уларнинг амалга оширилишини таъминлайди;

тегишли ҳудудда атмосфера ҳавосини муҳофаза қилиш соҳасида давлат экологик назоратини амалга оширади.

(Давоми 2-бетда).



Биз ва жаҳон

Ислохотлар самараларининг океанортидаги эътирофи

Давлатимиз раҳбари Шавкат Мирзиёев иқтисодиёт ва ижтимоий соҳалардаги ислохотлар учун АҚШнинг “StrategEast” маркази томонидан тақдирланди.



Бу ҳақда маъмур сиёсий ва дипломатик ечимлар но-тижорат марказининг расмий сайтида хабар қилинди. Президентимиз ушбу ташкилотнинг “StrategEast Westernization Award — 2018” мукофотиغا мамлакатда иқтисодиётни либераллаштириш, инвестиция иқлимининг яхшилаш, қонун устуворлиги ва хусусий мулк ҳимоясини таъминлаш соҳасидаги хизматлари учун лойиқ топилган. Бундан ташқари, Юртбошимиз-

нинг чегараолди муаммоларига ечим топиш ҳамда қўшни давлатлар билан муносабатларни мустаҳкамлашга қўшган катта ҳиссаси алоҳида таъкидланган. “StrategEast” маркази Вашингтон шаҳрида жойлашган бўлиб, маъмур но-тижорат ташкилотининг фаолияти постсовет давлатларини уларнинг Ғарб сиёсий ва ишбилармон доиралар билан алоқаларни йўлга қўйишга қўмаклашиш мақсадида тадқиқ этишга йўналтирилган.

Янги қонунлар

Аёл она бўлишга ҳақли, лекин...

Жорий йил 12 мартдан кучга кирган “Фуқароларнинг репродуктив саломатлигини сақлаш тўғрисида”ги Қонун, аввало, оилада соғлом фарзанд туғилишига нисбатан онгли ва масъулиятли муносабатни кучайтириш, фуқароларга ўз репродуктив ҳуқуқларини амалга ошириши учун тиббий-ижтимоий, психологик ёрдам кўрсатишга асос яратди. Эраклар ва аёлларнинг бу борадаги имкониятлари тенгчилигини таъминлайдиган шароитларга уруғ берилди.

Яна бир жиҳат — давлат ушбу сиёсатни рўйбга чиқариш жараёнида фуқароларнинг шахсий ҳаётига аралашмаслигини, шахсий ва оилавий сирининг сақланишини, икки ёш ўртасидаги соғлом оилани шакллантириш тўғрисидаги қарорнинг камситишларсиз, тахдидларсиз ва зўравонликсиз қабул қилинишини ҳамда бирламчи тиббий-санитария ёрдамининг бепуллигини қафолатлайди.

Авалло, фуқаролар бу борада ишончли ва тўлиқ ахборот олиш, туғилишни тартибга солишнинг хавфсиз усулларидан ҳамда контрацепция ва ёрдамчи репродуктив технологиялардан

фойдаланиш каби қатор ҳуқуқларга эга бўлишади. Юридик ва жисмоний шахслар фуқароларнинг репродуктив ҳуқуқларини амалга ошириш билан боғлиқ ахборотни сир сақлаши шарт, деб белгиланган бўлиди. Шунингдек, аёлни ҳомиладорликка, уни сунъий равишда тўхта-тишга ва контрацепция воситаларидан фойдаланишга мажбур қилиш мумкин эмас. Эраклар ва вояга етмаган шахсларга уларнинг репродуктив саломатлигини сақлаш борасида ахборот бериш аноним ва махфий тарзда олиб борилади.



Ҳукумат аъзолари ҳар чоракда парламентга ҳисобот тақдим қилади

Яқинда Президентимиз томонидан “Ҳукуматни шакллантириш тартиби демократлаштирилиши ва унинг маъсулиятли кучайтирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги Қонун имзоланди. Ушбу ҳужжат жорий йилнинг 1 апрелидан кучга киради.

Қонунда кўзланган асосий мақсад — давлат халқ иродасини ифода этиши, унинг манфаатларига хизмат қилиши, давлат органлари ва мансабдор шахсларнинг жамият ва фуқаролар олдида масъулигини, пировардида эса одамларнинг муносиби ҳаёт кеңиришларини таъминлашдан иборатлигини айтиш зарур.

У билан, асосан, иккита янги демократик тартиб-тамоил белгиланди. Аввало, Вазирлар Маҳкамаси аъзолари эндиликда Бош вазирнинг тақдимида кўра, Олий

Мажлис Қонунчилик палатаси маъқуллаганидан кейин Ўзбекистон Республикаси Президенти томонидан тасдиқланади ҳамда лавозимидан озод қилинади. Кейингис эса Бош вазир Ҳукумат аъзолари билан биргаликда ҳар чоракда парламент палаталарига Ўзбекистон Республикаси Президентининг Олий Мажлисга Мурожаатномасидан келиб чиқадиган, тегишли йил учун белгиланган давлат дастури бажарилиши бўйича ҳисобот тақдим этишидир.



Ўзбекистон Республикасининг ҚОНУНИ

«Атмосфера ҳавосини муҳофаза қилиш тўғрисида»ги

Ўзбекистон Республикаси Қонунига ўзгартиш

ва қўшимчалар киритиш ҳақида

(Давоми. Бошланishi 1-бетда).

5⁴-модда. Фуқаролар ўзини ўзи бошқариш органларининг, нодавлат нотижорат ташкилотларининг атмосфера ҳавосини муҳофаза қилишни таъминлашда иштирок этиши

Фуқароларнинг ўзини ўзи бошқариш органлари, нодавлат нотижорат ташкилотлари:

атмосфера ҳавосини муҳофаза қилиш соҳасидаги давлат дастурларини, ҳудудий ва бошқа дастурларни амалга оширишда иштирок этади;

атмосфера ҳавосини муҳофаза қилиш тўғрисидаги қонун ҳужжатларининг ижроси устидан жамоатчилик экологик назоратини амалга оширади;

аҳоли ўртасида фуқароларнинг атмосфера ҳавосини муҳофаза қилиш соҳасидаги ҳуқуқий саводхонлигини ва экологик маданиятини юксалтиришга қаратилган тушунтириш ишларини амалга оширишда иштирок этади»;

4) **8-модданинг:**

номи куйидаги тахрирда баён этилсин:

«8-модда. Доимий ифлослантирувчи манбаларнинг атмосфера ҳавосига зарарли таъсир кўрсатиши нормативлари»;

учинчи қисми куйидаги тахрирда баён этилсин:

«Атмосфера ҳавосига ифлослантирувчи моддалар ва биологик организмлар чиқаришининг йўл қўйиладиган доирадаги нормативларини, доимий ифлослантирувчи манбалар физикавий омилиларининг атмосфера ҳавосига зарарли таъсир кўрсатишининг йўл қўйиладиган доирадаги нормативларини ишлаб чиқиш ва тасдиқлаш тартиби Ўзбекистон Республикаси Вазирлар Маҳкамаси томонидан белгиланади»;

5) **9-модда** чиқариб ташлансин;

6) **11-модда** куйидаги тахрирда баён этилсин:

«11-модда. Доимий ифлослантирувчи манбаларнинг атмосфера ҳавосига ифлослантирувчи моддалар чиқаришини тартибга солиш

Доимий ифлослантирувчи манбаларнинг атмосфера ҳавосига ифлослантирувчи моддалар чиқаришига давлат экологик экспертизасининг натижаларига кўра белгиланадиган ифлослантирувчи моддалар чиқаришининг йўл қўйиладиган доирадаги нормативларига мувофиқ йўл қўйилади»;

7) **13-модда** куйидаги тахрирда баён этилсин:

«13-модда. Атмосфера ҳавосига зарарли таъсир кўрсатилишини чеклаш, тўхтатиб туриш ёки тугатиш

Атмосфера ҳавосига доимий ва кўчма ифлослантирувчи манбалардан ифлослантирувчи моддалар чиқарилишининг йўл қўйиладиган доирадаги нормативларини бузиш билан боғлиқ бўлган фаолият маҳаллий давлат ҳокимияти органлари, Ўзбекистон Республикаси Экология ва атроф-муҳитни муҳофаза қилиш давлат қўмитаси, Ўзбекистон Республикаси Соғлиқни сақлаш вазирлиги, Ўзбекистон

Республикаси Ички ишлар вазирлигининг ваколатларига мувофиқ уларнинг қарори билан чекланиши, тўхтатиб турилиши, зарарли таъсир кўрсатиш сабабларини бартараф этиш мумкин бўлмаган тақдирда эса, тугатилиши мумкин. Тадбиркорлик субъектларининг фаолиятини чеклаш, тўхтатиб туриш (бундан фавқулодда вазиятлар, эпидемиялар ҳамда аҳолининг ҳаёти ва соғлиги учун бошқа реал хавф юзага келишининг олдини олиш билан боғлиқ ҳолда ўн иш кунидан кўп бўлмаган муддатга чеклаш, тўхтатиб туриш ҳоллари мустасно) ёки тугатиш суд тартибида амалга оширилади»;

8) **14-модда** куйидаги тахрирда баён этилсин:

«14-модда. Ёқилғи ва ёнилғи-мойлаш материалларида доир талаблар

Ўзбекистон Республикаси ҳудудида фойдаланиладиган ёқилғи ва ёнилғи-мойлаш материалларининг барча турлари Ўзбекистон Республикаси Экология ва атроф-муҳитни муҳофаза қилиш давлат қўмитаси билан келишилган стандартлар, техник регламентлар талабларига мос бўлиши лозим»;

9) **18-модданинг учинчи қисми** куйидаги тахрирда баён этилсин:

«Ўсимликларни ҳимоя қилиш воситаси, уларнинг ўсишини тезлаштирувчи омил, минерал ўғит ва бошқа препаратлар сифатида кимёвий моддаларни ишлатишга қишлоқ хўжалиги ўсимликларини ҳимоя қилиш воситаларини қўллаш регламентига мувофиқ йўл қўйилади»;

10) **19-модданинг матни** куйидаги тахрирда баён этилсин:

«Объектларни лойиҳалаштириш, қуриш, реконструкция қилиш, капитал таъмирлашда, хўжалик ва бошқа фаолиятни амалга оширишда корхоналар, муассасалар ва ташкилотлар озонни бузувчи моддалардан, таркибида озонни бузувчи моддалар мавжуд бўлган усқуналар ва техник қурилмалардан фойдаланиш ҳамда қўлланши тартибга солишга доир чора-тадбирларга риоя этиши лозим.

Таркибида озонни бузувчи моддалар мавжуд бўлган буюмлардан фойдаланувчи ва уларни таъмирловчи корхоналар, муассасалар ҳамда ташкилотлар бундай моддалар ҳисобга олинишини ва улар озон учун хавфсиз моддалар билан алмаштирилишини таъминлаши лозим.

Озонни бузувчи моддалар ва таркибида улар мавжуд бўлган маҳсулотларнинг импорти ҳамда экспорти экология ва атроф-муҳитни муҳофаза қилувчи органлар томонидан бериладиган рухсатномалар асосида амалга оширилади»;

11) **24-модданинг матни** куйидаги тахрирда баён этилсин:

«Фаолияти атмосфера ҳавосига ифлослантирувчи моддаларни, биологик организмларни, иссиқхона газларини ва озонни бузувчи моддаларни чиқариш ҳамда унга физикавий омилиларнинг зарарли таъсир кўрсатиши билан боғлиқ бўлган корхоналар, муассасалар ва ташкилотлар:

атмосфера ҳавосига чиқариладиган чиқиндиларни тозалаш ва унга зарарли физикавий таъсирни камайтириш учун иншоотлар, қурилмалар ва асбоб-усқуналардан, шунингдек уларнинг устидан назорат қилиш воситаларидан фойдаланиш ҳамда уларнинг ишлаш қоидаларига риоя этиши;

озонни бузувчи моддаларнинг ҳисобини юритиши, уларнинг атмосфера ҳавосига чиқарилишига йўл қўймаслиги, рециркуляцияни (уларни қайта ишлатиш мақсадида бирламчи тозалашни) амалга ошириши;

Ҳукумат аъзолари ҳар чоракда парламентга ҳисобот тақдим қилади



Дарҳақиқат, Ҳукумат аъзолари номзодларининг Қонунчилик палатаси томонидан қўриб чиқилиши ва маъқулланиши халқ ҳокимиятчилигининг аққол ифодаси бўлиб, фуқаролар Ўзи бевосита сайлаган вакилларнинг ушбу лавозимга қанчалик лойиқлиги, малакаси, шахсий ва касбий фазилатлари, шунингдек, истикболга мўлжалланган иш режасига баҳо бериш имконига эга бўлади. Ҳукумат аъзоси мамлакат ички ва ташқи сиёсатини шакллантириш ҳамда амалга оширишда бевосита иштирок этишидан келиб чиқиб, депутатлар номзодни қўриб чиқиш жараёнида унинг қанчалик халқ хоҳиш-истаклари, муаммоларини билиши, инсон ва жамият фаровонлигини нечоғли кўзлашига баҳо берадилар.

Айни чоғда бу ваколат парламент учун масъулият ҳамдир. Гап шундаки, эндиликда депутатлар Ҳукумат аъзосини маъқуллаш орқали унинг фаолияти билан боғлиқ улкан масъулиятнинг тенг ярмини ўз зиммасига олади. Шунинг учун ҳам депутатлар номзодни фақат маъқуллаш билан чекланиб қолмайди, аксинча рад эта олади. Ўз навбатида, депутатлар томонидан маъқулланган номзод келгусида ўзини қўллаган парламент аъзоларидан мадад олиши ҳам мумкин бўлади.

Қонуinning яна бир муҳим жиҳати шундаки, агар аввал парламент Бош вазир лавозимига номзодни тасдиқлаш ваколатини амалга ошириб, Ҳукумат фаолиятига умумий, яхлит баҳо берган бўлса, эндиликда Ҳукумат аъзоллигига номзодни

Мирвезал МИРАҚУЛОВ,
юридик фанлар доктори.

Аёл она бўлишга ҳақли, лекин...



Қолаверса, ёрдамчи репродуктив технологиялардан ўзаро қонуний никоҳ қурган шахсларгина фойдаланиш ҳуқуқи қатъий белгиланган.

Ушбу технологиялардан фойдаланганда, бўлгуси фарзанднинг жинсини танлашга йўл қўйилмайди. Шу билан бирга, мазкур технология ёрдамида одамнинг жинсий ҳужайралари, эмбрионларидан ва репродуктив аъзоларининг тўқималаридан ҳарбий, саноат ва тижорат мақсадларидда фойдаланилиши ҳам тақиқланади.

Жумладан, ҳомиладорликни суъний равишда тўхтатиш аёلнинг хоҳишига кўра, ҳомиладорликнинг ўн икки ҳафтагача бўлган муддатида амалга оширилади.

хўжалик объектлари теварагида санитария-муҳофаза зоналарини барпо этиши;

атмосфера ҳавосига ифлослантирувчи моддалар чиқаришининг йўл қўйиладиган доирадаги нормативларини белгилаши;

атмосфера ҳавосига ифлослантирувчи моддалар чиқариши ҳамда унга зарарли физикавий таъсирни камайтириш ва (ёки) бартараф этиш чора-тадбирларини кўриши;

атмосфера ҳавосига ифлослантирувчи моддалар чиқарилиши ҳамда унга физикавий омиллар зарарли таъсирининг йўл қўйиладиган доирадаги нормативларига риоя этилиши устидан назоратни амалга ошириши, уларнинг ҳисобини юритиши ва статистика ҳисоботини тақдим этиши; атмосфера ҳавосига ифлослантирувчи моддалар чиқарилишининг сифат ва мқдорий таркибини аниқлаш учун намуналар олинишини таъминлаши ҳамда ўлчовларни амалга ошириши;

ёқиш учун мўлжалланмаган жойларда ва (ёки) қурилмаларда ёқилгининг, ёқилғи сифатида фойдаланиладиган моддаларнинг ёки моддалар аралашмасининг ёқилишига, шунингдек ёқилғи ҳисобланмайдиган материаллар ва чиқиндиларнинг ёқилишига йўл қўймаслиги, бундан ёқиш махсус усқуналардан фойдаланиб ҳамда атмосфера ҳавосини муҳофаза қилиш тўғрисидаги ва чиқиндилар тўғрисидаги қонун ҳужжатлари талабларига риоя этган ҳолда амалга оширилган ҳоллар мустасно;

энергияни тежовчи ва (ёки) ресурсларни тежовчи технологияларни жорий этиш ҳамда экологик хиҳатдан тоза энергия манбаларидан фойдаланиш чора-тадбирларини кўриши;

метеорологик шароитлар ноқулай келиши қутилаётганлиги муносабати билан атмосфера ҳавосига ифлослантирувчи моддалар ва биологик организмлар чиқарилишини камайтириш юзасидан Ўзбекистон Республикаси Экология ва атроф-муҳитни муҳофаза қилиш давлат қўмитаси билан келишилган тадбирларни бажариши;

корхоналар ва транспорт коммуникацияларининг таъсир доирасида атроф-муҳитга ҳамда аҳоли соғлиғига зарарли таъсир кўрсатилишини баҳолашдан ўтказиши;

кучи таъсир этувчи заҳарли моддаларни ҳамда буғланувчи бирикмаларни сақлаш, ташиш шартларига, улардан фойдаланиш ва улардан бўшаган идишларни зарарсизлантириш қоидаларига риоя этиши;

атмосфера ҳавосига бирийўла ва авария туфайли ифлослантирувчи моддалар чиқарилишининг, яширин хавфли вазиятлар юзага келишининг олдини олиш, шунингдек атмосфера ҳавосининг трансчегаравий ифлосланишини камайтириш юзасидан чоралар кўриши; чиқиндиларнинг утилизация қилинишини таъминлаши ҳамда улар тўпланиб қолганида ва қайта ишланаётганида атмосфера ҳавосини ифлослантиришининг олдини олиш чораларини кўриши шарт.

Атмосфера ҳавосини муҳофаза қилиш тадбирларининг бажарилиши тупроқ, сув ва атроф-муҳитнинг бошқа объектлари ифлосланишига олиб келмаслиги керак»;

12) **25-модданинг иккинчи қисми** куйидаги тахрирда баён этилсин:

«Атмосфера ҳавосига ифлослантирувчи моддаларни ва биологик организмларни чиқарганлик, унга физикавий омилиларнинг зарарли таъсир кўрсатганлиги учун компенсация тўловларини тўлаш корхоналар, муассасалар ва ташкилотларни ҳавони муҳофаза қилиш тадбирларини бажаришдан

ҳамда етказилган зарарнинг ўрнини қоплаш мажбуриятидан озод этмайди»;

13) **26-модда биринчи қисмининг:**

учинчи хатбошиси чиқариб ташлансин;

тўртинчи ва бешинчи хатбошилари тегишинча **учинчи**

ва **тўртинчи хатбошилар** деб ҳисоблансин;

14) **28-модданинг матни** куйидаги тахрирда баён этилсин:

«Атмосфера ҳавосини муҳофаза қилиш устидан давлат экологик назорати махсус ваколатли давлат органлари, маҳаллий давлат ҳокимияти органлари томонидан ўз ваколатлари доирасида амалга оширилади.

Ўзбекистон Республикаси Экология ва атроф-муҳитни муҳофаза қилиш давлат қўмитаси, Ўзбекистон Республикаси Соғлиқни сақлаш вазирлиги, Ўзбекистон Республикаси Ички ишлар вазирлиги атмосфера ҳавосини муҳофаза қилиш устидан экологик назорат бўйича махсус ваколатли давлат органларидир.

Ўзбекистон Республикаси Экология ва атроф-муҳитни муҳофаза қилиш давлат қўмитаси куйидагиларни амалга оширади:

атмосфера ҳавосини ифлослантирувчи манбаларнинг ҳолати, атмосфера ҳавосини муҳофаза қилиш тўғрисидаги қонун ҳужжатлари талаблари юридик ва жисмоний шахслар томонидан бажарилиши устидан давлат экологик назоратини; давлат ва идоравий экологик назорат соҳасида давлат ва хўжалик бошқаруви органларининг фаолияти мувофиқлаштирилишини.

Ўзбекистон Республикаси Соғлиқни сақлаш вазирлиги санитария-муҳофаза ва турар жой зоналарида атмосфера ҳавосига зарарли таъсир кўрсатилиши устидан давлат экологик назоратини амалга оширади.

Ўзбекистон Республикаси Ички ишлар вазирлиги фойдаланилиши атмосфера ҳавосига зарарли таъсир кўрсатадиган автототранспорт воситалари устидан давлат экологик назоратини амалга оширади.

Атмосфера ҳавосини муҳофаза қилиш устидан идоравий, ишлаб чиқариш ва жамоатчилик экологик назорати қонун ҳужжатларига мувофиқ амалга оширилади»;

15) **30-модда** чиқариб ташлансин.

2-модда. Ўзбекистон Республикаси Вазирлар Маҳкамаси: ҳукумат қарорларини ушбу Қонунга мувофиқлаштирсин; давлат бошқаруви органлари ушбу Қонунга зид бўлган ўз норматив-ҳуқуқий ҳужжатларини қайта қўриб чиқишлари ва бекор қилишларини таъминласин; ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тушунтирилишини таъминласин.

3-модда. Ушбу Қонун расмий эълон қилинган кундан эътиборан уч ой ўтган кунга қиради.

Ўзбекистон Республикасининг Президенти	Ш. МИРЗИЁЁВ
Тошкент шаҳри, 2019 йил 13 март № УРҚ-529	
Эъзоз	
ИЖОД МАКТАБИГА ОИД ТАКЛИФ — АМАЛДА	
<i>Президентимиз яқинда Сирдарё вилоятига амалга оширган ташрифи чоғида Гулистон шаҳрида Ўзбекистон халқ шоири Ҳалима Худойбердиева номидаги ижод мактабини ташкил қилишни таклиф этганди. Шунга кўра вилоят марказида ана шу мактаб биносига тамал тоши қўйиш маросими бўлиб ўтди.</i>	
Лойиҳага асосан, таълим муассасасида халқимиз сеvimли шоирасининг ҳаёти ва ижодига оид музей ҳам жой олади.	халқ шоири Ҳалима Худойбердиевага кўрсатилган юксак иззат-эҳтиром учун ижодкорнинг оила аъзолари номидан миннатдорлик билдирди.
Маросимда шоиранинг синглиси, Ховос туманидаги 23-мактаб ўқитувчиси Раҳима Худойбердиева сўзга чиқиб опаси, Ўзбекистон	лояти ҳокими Гофуржон Мирзаев иштирок этди.
	Аҳмадали ШЕРНАЗАРОВ («Халқ сўзи»).

«ТИББИЁТ ПОСБОНЛАРИ» ОРТИҚЧА ОВОРАГАРЧИЛИКЛАРГА ЧЕК ҚЎЯДИ

Фуқаролар оддийгина масалалар — шифокорнинг бир оғиз маслаҳатию арзимас ёрдами билан ҳал бўладиган ҳолатлар учун ҳам ҳуда-беҳуда “Тез ёрдам”ни чақириш ҳолатлари учраб турибди. Бу бизнинг таҳлил эмас. Аксинча, Олий Мажлис Қонунчилик палатаси депутатлари ва бошқа мутасадди идоралар вакилларидан иборат Республика ишчи гуруҳи томонидан жойларда аҳолига кўрсатилаётган тиббий хизмат сифатини ошириш, оилаларда соғлом турмуш тарзини тарғиб қилиш мақсадида ўтказилган учрашувлар давомида юзга чиққан масалалардан биттаси.

Ташаббус

Таҳлилларга кўра, чекка ва шифохоналардан олисда жойлашган аҳоли пунктларида яшовчи фуқаролар тиббий хизматдан самарали фойдалана олмаётпти.

Парламент қўйи палатаси депутатлари мавжуд ҳолатни эътиборга олган ҳолда, ушбу масала ечими йўлида бир амалий ишга қўл урдилар.

Яъни уларнинг ташаббуси билан Хатирчи туманида “Тиббиёт посбонлари” фаолияти тажриба тариқасида йўлга қўйилмоқда.

Ушбу фаолият қандай ташкил этилиши, уларга кимлар жалб қили-

атлари асосида биринчи тиббий ёрдам кўрсатиб, тиббий профилактика ўтказиши назарда тутилмоқда. Албатта, бу ихтиёрий равишда амалга оширилади.

Бунда туман тиббиёт бирлашмаси тегишли қишлоқ оилавий поликлиникалари (ҚОП), қишлоқ врачлик пунктларининг (ҚВП) тавсиясига мувофиқ, ҳудудда истиқомат қиладиган “Тиббиёт посбонлари” рўйхатини халқ депутатлари туман Кенгашига тасдиқлаш учун киритади.

“Тиббиёт посбонлари” ҳақидаги маълумотлар тегишли фуқароларнинг ўзини ўзи бошқариш органлари ҳамда таълим муассасаларига юборилади. Улар истиқомат қиладиган хонадонлар эшигига эса “Ушбу хонадонда шифокор истиқомат қилади” деган маълумот ёзиб қўйилади. Уларга туман тиббиёт бирлашмаси томонидан гувоҳнома берилиши кўзда тутилган.

“Тиббиёт посбонлари” тегишли ҚОП, ҚВП томонидан зарур тиббий жиҳозлар, жумладан, тонометр, фо-

нендоскоп, термометр ва дори воситалари жамланган сумка, мурожаат қилувчиларни қайд этиш дафтари билан ҳам таъминланади. “Тиббиёт посбонлари” ҳудуддаги аҳолининг мурожаатига асосан уларга маслаҳатлар бериб боради. Зарурат туғилса, биринчи тиббий ёрдамни ҳам кўрсатади. Мурожаатчининг илтимосига кўра, уни қўриқдан ўтказиб, муайян тиббиёт муассасасига юбориши ёки мутахассисга учрашиши тўғрисида тавсия беради.

Зарур ҳолларда эса тегишли тиббиёт муассасаларига олиб боришда ҳамроҳлик қилади. Беморнинг соғлигига оид маълумотларни кейинчалик тиббий хизмат кўрсатиш учун ҚОП ёки ҚВПларга етказади. Маҳаллаларда, таълим муассасаларида ва шу ҳудуддаги бошқа ташкилотларда аҳолининг соғлом турмуш тарзини, жисмоний фаоллигини ошириш, тиббий, санитария-гигиена маданиятини юксалтиришга оид тарғибот-тушунтириш ишларини олиб боради.

Дарвоқе, фуқароларга биринчи тиббий ёрдам беришда фаоллик кўрсатган, аҳолининг ҳурмати ҳамда эътирофига сазовор бўлган “Тиббиёт посбонлари”ни рағбатлантириш тизими ҳам йўлга қўйилади.

Қисқаси, “Тиббиёт посбонлари”нинг пайдо бўлиши аҳоли томонидан “Тез ёрдам” чақиривлар сонини камайтириш, қишлоқ врачлик пунктлари устидан шифокорлик назоратини амалга оширишга кўмаклашиш, энг муҳими, чекка-чекка, тиббиёт муассасаларидан олис ҳудудларда яшовчи аҳолига ўз вақтида, ишончли ва тезкор тиббий ёрдам кўрсатиш имкониятини яратади.

Хатирчи тумани тажрибаси ўзини окласа, ушбу ташаббусни республикамизнинг бошқа ҳудудларида ҳам жорий қилиш кўзда тутилмоқда.

Раҳим ШЕРҚУЛОВ («Халқ сўзи»).

Хонишидан тош ҳам эрийди...

“Ўзбекистон Республикаси халқ бахшиси” унвонининг таъсис этилгани мамлакатимизда миллий қадрият ва анъаналарни асраб-авайлашга, бахшиларни ҳар томонлама қўллаб-қувватлашга кўрсатилаётган юксак эътибор намунасидир.

Маълумотларга кўра, ушбу юксак унвон билан тақдирланган 80 га яқин бахши, оқин ва жировларнинг 8 нафари сурхон элидан бўлиб, айни пайтда улар ёш авлодни юксак маънавиятли қилиб тарбиялашга муносиб ҳисса қўшиб келмоқда.

Сурхон замини қадимдан халқ оғзаки ижоди раънақининг марказларидан ҳисобланган. “Денов билан Балх”, “Кўхитанг”, “Султон Иброҳим”, “Малика Хуббон” каби халқ китоблари фикримизнинг яққол исботидир. Уларда она юрт тарихи, ватандошларимизнинг оруз-умидлари, ҳаёт кечинмалари моҳирона ифода этилган.

Ўзбек халқ оғзаки ижоди тарихида Шеробод бахшичилик мактабининг алоҳида ўрни бор. Бу маскандан машхур бўлулзабон, чечан бахшилар етишиб чиққан. Уларнинг энг машхури — Бобо шоир. Шерна бахши, Холиёр бахши, Алим бахши, Бойкул бахши, Эсон бахши, Назар бахши, Боймурод

бахши, Жўра бахши ва бошқалар Бобо шоирнинг издошлари ҳамда шогирдларидир. Улар улугъ шоирдан қўлаб сўз жавоҳирларини эшитиб, ёд олиб, кўчириб олганлар. Ушбу термалар бугунги кунда халқимизнинг маънавий хазинасига айланган.

Сурхондарёда ҳозир ҳам қўлига соз олиб, элга танилиб, давранинг тўридан, элу халқнинг қалб кўридан жой олган бахши-шоирлар талайгина. Улар термаю дostonлар куйлашда чечан, сеҳрли сўзга моҳирдирлар.

Тўй-томошалар бахши-шоирларсиз ўтмайди. Мисоли оқар дарё бўлиб, чанқоқ қалбалари қондирадир, онгу шуурга нур ва зий бахш этади.

Жўйриқ бахши сўз маржонини тузади. Созини шайлаб, элу овул кезади. Тонг отгунча бўзлаб, кўнгилни хушлайди. Одамлардан олқиш олиб, қанот ёзади.

Чорша бахши Раҳматилла ўғлининг “Бахшининг” номли термаси бор. Унда

бахшилар ҳаёти, қувваи ҳофизаси, турмуши ва шахсий сифатлари ҳақида қимматли фикрлар билдрилган:

*Хонишидан тош эрийди суюлиб,
Туманот эл қўшиқ тинглар жийилиб,
Достон тинглаб, кўзин ёшлар ийилиб,
Мавжладан сўзи селдай қуйилиб,
Булбули гўёдир тили бахшининг.*

Бешқўтон қишлоғилик Бобо шоир ва унинг шогирдлари ижодий мактаби бугунги кунда ҳам ёш бахшилар камолотида пойдевор вазифасини ўтаб келмоқда.

Шеробод бахшичилик мактабининг бугунги давомчилари — Абдуназар бахши Поёнов, Хушбоқ бахши Мардонақулов, Шоберди бахши Болтаев, Шодмон бахши Хўжамбердиев ва бошқалар “Ўзбекистон Республикаси халқ бахшиси” фахрий унвони билан тақдирланган. Улар миллий бахшичилик ва дostonчилик санъатининг ноёб намуналарини асраб-авайлаш ва ривожлантириш, уни кенг тарғиб қилиш, ушбу санъат турини ёш авлод қалбига синдириш ҳамда халқлар ўртасидаги дўстлик,

биродарлик ришталарини мустаҳкамлашда жонбозлик кўрсатиб келишмоқда.

Президентимизнинг 2018 йил 1 ноябрдаги “Халқаро бахшичилик санъати фестивалини ўтказиш тўғрисида”ги қарори асосида ушбу нуфузли тадбирнинг Термиз шаҳрида ўтказилиши бутун сурхон элининг қалбини фахр-ифтихорга тўлдирди. Жорий йил 5 — 10 апрель кунлари биринчи маротаба ташкил этиладиган мазкур халқаро фестивалга қизгин тайёргарлик кўрилкоқда.

Фестиваль доирасида Термиз шаҳридаги “Сурхондарё санъат саройи” давлат муассасаси майдони ҳудудида бахшичилик санъатига оид турли кўргазмалар, миллий созлар ва либослар, ҳунармандчилик буюмлари, тасвирий ҳамда амалий санъат асарлари, ҳайкалтарошлик намуналари, бадий ва ҳужжатли фильмлар, аудио ҳамда видео дисклар, китоблар, альбомлар, фотосуратлар намойиши ва уларнинг сотуви ташкил этилади.



Рўзиқул МУСТАФАҚУЛОВ, Термиз давлат университети доценти, филология фанлари номзоди.

Хамжиҳатлик

Тожикистондан Сурхондарёга сўв йўллари очилди

Президентимиз Шавкат Мирзиёевнинг сиёсий иродаси, очик ва прагматик ташки сиёсати Марказий Осиё давлатлари ўртасидаги алоқаларни қайта тиклаш ва уни янада ривожлантириш учун асос бўлди.

Ўзаро дўстлик ришталари яхшилангани туфайли Тожикистон Республикасида жойлашган Варзоб дарёсидан Катта Хисор, Шодмон Қозоқ, Жончекка, Хатиб ва Даяоб каналлари орқали сув олиб келиш мақсадида мазкур каналларнинг айрим қисмлари тозаланиб, сув йўллари очилди. Бунинг натижасида Сурхондарё вилоятининг Ўзун, Сарюсийё, Денов, Шўрчи, Қўмқўрғон, Жарқўрғон, Қизирққ ҳамда Шеробод туманлари экин майдонларининг сув таъминоти янада яхшиланди.

— Мамлакатимиздаги сув танқислигини юмшатиш

мақсадида қўшни Тожикистон давлатидан сониясига қўшимча 35 — 40 кубометр обихаёт олиш имконияти яратилди, — дейди халқ депутатлари Сурхондарё вилояти Кенгаши раиси ўринбосари Абдурашид Артиқов.

— Кўп йиллар ўз ҳолига ташлаб қўйилган каналларнинг сув ўтказиш ҳолатини созлаш учун 40 дан ортиқ замонавий техникалар сарфарб этилиб, чегарадош ҳудудлардаги жами 52 километр узунликдаги каналлар лойқадан тозаланди.

Илҳом РАХМАТОВ
(«Халқ сўзи»).

Кўргазма

Дунё жажжи рассомлар нигоҳида

Ўзбекистон Бадий академияси Марказий кўргазмалар залида ШХТга аъзо давлатларнинг маданияти, тарихи, табиати, урф-одат ҳамда анъаналарига бағишланган “Дунё болалар нигоҳида” мавзuida жажжи рассомларнинг кўргазмаси бўлиб ўтмоқда. Унда 700 дан ортиқ суратлар намойишга қўйилган.



Хасеки ЙЎЛДОШЕВ олган сурат.

Кўргазманинг очилиш маросимида вазирлик ва идоралар, дипломатик корпус ҳамда халқаро ташкилотлар, миллий маданият марказлари вакиллари ва ОАВ ходимлари қатнашди.

— Ушбу тадбирдан кўзланган асосий мақсад халқлар ўртасидаги дўстлик алоқаларини кучайтириш, ўзаро ишончни янада мустаҳкамлашдан иборат, — деди ШХТнинг Ўзбекистондаги Халқ дипломатияси маркази директори Раҳматулла Назаров. — Қолаверса, иқтидорли болаларда тасвирий санъатга нисбатан қизиқиш уйғотиш ҳам кўзда тутилган. Мазкур кўргазмани вилоятларда, шунингдек, ШХТ давлатларининг пойтахтларида ташкил қилиш режалаштирилган.

Айтиб ўтилганидек, кўргазмада намойишга қўйилган расмлар орасидан гоилиблар учта номинация бўйича танланди. Мазкур жараёнда уларнинг ўзига ҳослиги, мавзунинг қай даражада очиб берилганига эътибор қаратилди. Шундай қилиб, 5 — 7 ёшдаги болалар ўртасида хитойлик Янь Шу Тинг биринчи, ҳамюрти-

Юлдуз ЎРМОНОВА
(«Халқ сўзи»).

АЭС – тоза энергия етказиб берувчи восита

Атом энергетикаси бўйича халқаро агентлик (МАГАТЭ)даги фаолиятида улкан тажриба тўплаган эксперт Жозеф Златянски дунёда атом энергетикаси истиқболлари, унинг атроф-муҳит ва иқлим ўзгаришига таъсири, Ўзбекистонда илк АЭС қурилишининг аҳамияти ҳақида фикрларини билдириб ўтди.

Нуқтаи назар

Экспертнинг айтишича, бугунги кунда жаҳон бўйича 450 дан ортиқ реакторлардан фойдаланилмоқда ва яна 55 га яқини қурилиш босқичида турибди.

“Бундай қурилмалар сони бўйича Хиндистон, Хитой ва Россия етакчи ҳисобланади. МАГАТЭ эса аъзо давлатларга турли хизматлар кўрсатади, атом энергетикаси тармоғи барқарор ривожланишига кўмак беради, бу борадаги янги дастурларни қўллаб-қувватлайди. Масалан, энергетика реакторлари бўйича ахборот тизими дастурини олиб кўрайлик. Шу асосда олинган маълумотларга қараганда, бугунги кунда Хитой ҳаммадан ҳам кўра фол равишда реакторлар барпо этипти. Мазкур мамлакатда айни пайтда 46 та реактор мавжуд бўлса, яна 11 энергоблок қурилаётди, келажда мамлакат ўз атом қувватини қарийб икки баробар оширмоқчи.

АЭСдан фойдаланаётган давлатлардан ташқари яна қарийб 28 та мамлакат атом энергетикаси дастурини амалга оширишга киришяпти. Уларнинг орасида Ўзбекистон ҳам бор.

Эътиборлики, атом энергетикасига бой углеводород захиралари ва қуёш энергетикаси бўйича улкан салоҳиятга эга мамлакатлар қизикмоқда. БАА бунга яққол мисолдир. Бинобарин, давлатлар атом энергетикаси барқарор электр қувватининг ишончли базавий ишлаб чиқарувчиси эканлигини тушунишаётир. МАГАТЭ айнан шуларга асосланиб, атом энергетикасининг мавжуд 396,6 ГВтлик қуввати 2050 йилга бориб икки баробар ўсишини прогноз қияпти.

Амалиёт шуни кўрсатмоқдаки, айрим минтақаларда ядро дастури нафақат электр қувватини хавфсиз, бар-

қарор ишлаб чиқариш, экологияни яхшилаш, балки умумий иқтисодий ва саноат тараққиётига ҳам хизмат қилаётир. Қўллаб давлатлар ўз энергетика стратегиясига атом энергиясини қўшиб, бунга барқарор иқтисодий ривожланиш ва юксалишнинг кафолати сифатида қараяпти. Айнан шунинг учун ҳам “атом клуби”нинг БАА, Беларус, Миср, Туркия, Бангладеш каби янги аъзолари атом энергиясини миллий энергетика стратегияси ҳамда барқарор ривожланиш дастурларига киритишга қарор қилди”, дейди Жозеф Златянски.

Эксперт сўнгиги йилларда дунё бўйича атом энергиясига бўлган талабнинг ўсиши қайта тикланувчи энергия манбалари ўзини оқламагани билан боғлиқ, деган қарашга ҳам ўз муносабатини билдирди. У барқарор тараққиёт соҳасидаги мақсадларга эришиш учун барча қўринишдаги экологик хавфсиз манбаларни қўллаб-қувватлаш ва равнақ топтириш лозимлигини таъкидлади.

“Қўпгина илгор мамлакатлар турли манбаларнинг ўзаро уйғунлашувчи — “энергетик аралашма”га диққатини жамлаган. Яъни улар ҳам барқарор ва кучли базавий ишлаб чиқариш воситаси бўлган АЭСга, ҳам фаолияти об-хаво шароитлари, кун вақтларига боғлиқ қайта тикланувчи энергия манбаларига эътибор қаратишмоқда. Энергиянинг турли манбаларини уйғунлаштирган ҳолда, жумладан, келажак атом технологияларига инвестиция киритиш йўли билан атмосферага карбонат ангидрид ташламаларини чиқаришни қисқартиришга қатъий қиришган давлатлар ҳам бор.

...Менинг Ватаним Словакияда 4 та атом энергоблокидан фойдаланилмоқда, уна икkitаси қурилиш босқичида. Умуман олганда, мамлакатда

Бандликни таъминлашга микрокредитлар

Ижтимоий соҳани қўллаб-қувватлаш, айниқса, аҳоли бандлигини таъминлашда банкларнинг роли қандай? Тадбиркорлиқни ривожлантириш борасида-чи?

Бу ҳақда гап кетганда, “Микрокредитбанк” акциядорлик тижорат банкининг микромолиявий хизматлари яхши самара бераётгани алоҳида тилга олинади. Масалан, ўтган йили аҳоли ва тадбиркорларга бизнес фаолиятини йўлга қўйиш учун 794 миллиард сўм, ижтимоий дастурлар доирасида эса салкам 460 миллиард сўмлик кредит ажратилган. Бунинг ҳисобига 20 минг 107 та иш жойи яратилди.

Анжуман

Кеча пойтахтимизда “Янги иш жойлари ташкил этиш ва аҳоли бандлигини таъминлаш масалаларини ҳал этишда микрокредитларнинг ўрни” мавзuida бўлиб ўтган матбуот анжуманида шулар ҳусу-сида сўз юритилди.

— Кредит ажратишда янги иш жойлари яратиш масаласига, шуларнинг меҳнат ресурслари нисбатан кўп ҳудудлардаги бизнес лойиҳаларини молиялаштиришга алоҳида эътибор қаратилляпти, — дейди банк бошқаруви раиси ўринбосари Азиз Нисамонов. — Мисол учун, ишсиз сифатида рўйхатдан ўтган фуқароларнинг 450 нафарига 6,5 миллиард, 1533 нафар томорқа ер эгасига 20,3 мил-



лиард, 5235 нафар ҳунармандга 147,5 миллиард, 3119 нафар тадбиркор аёлга 184,6 миллиард сўмлик имтиёзли кредитлар берилди. Бундан ташқари, 1100 га яқин маҳаллаларнинг мавжуд имкониятидан келиб чиқиб, қорвачилик, доҳқончилик, ҳунармандчилик ва бошқа соҳалар бўйича ишлаб чиқилган лойиҳаларга 100,8 миллиард сўмлик кредитлар йўналтирилди. Натижада 4 800 га яқин фуқаролар ўз бизнес фаолиятини йўлга қўйишга муваффақ бўлди.

Тадбир иштирокчиларида мазкур молия муассасаси масъул этиб бириктирилган қувёничлик тармоғидаги ўзгаришлар, амалга оширилаётган лойиҳалар катта қизиқиш уйғотди.

Бу беҳиз эмас, албатта. Чунки қорвачиликнинг мазкур тармоғи кам харажат эвазига тез ва кўп миқдорда парҳез гўшт, қимматбаҳо мўйна етиштириш имконини беради. Шунинг учун кейинги пайтда саноат усулида қуён етиштиришга алоҳида эътибор қаратилляпти. Бунинг самараси ўлароқ, банкнинг 39,5 миллиард сўмлик маблағи ҳисобига 56 та агрофирма ташкил этилди.

Шу билан бирга, 4,5 миллиард сўмлик кредитлар аҳоли охонадорларида ушбу жониворларни кўпай-



Реклама ўрнида

тириш учун йўналтирилди. Натижада бугунги кунда парваришланаётган қуёнлар сони 20 минггача етди. Икки ойда етилидиган қуёнларнинг ҳар бири 2-2,5 килограмм атрофида гўшт беради.

Банк вакилларининг айтишича, хорижда қуён гўштига талаб катта. Ташки бозордан жой эгаллаш учун эса махсулот етиштириш ҳажмини ошириш зарур. Шу боис тармоқда кластер усулини қўллаш чора-тадбирлари кўрилкоқда. Бундай лойиҳалардан дастлабкиси Наманган вилоятида амалга ошириллади. Зеро, қувёничлик кластерлари парҳез гўшт етиштириш, экспорт

Нодирбек ИБОДУЛЛАЕВ.

Хизматлар лицензияланган.

ЯНГИЛИКЛАР, ВОҚЕАЛАР ТАФСИЛОТЛАР

АҲОЛИ УЧУН 2021 ЙИЛГАЧА ИМТИЁЗ

Вазирлар Маҳкамасининг 2017 йил 31 майдаги “Жиззах вилоятида ишлаб чиқариш тармоқларини ривожлантиришни тубдан жадаллаштириш, тадбиркорлик фаолиятини рағбатлантиришнинг янги ёндашувлари ва методларини синаб кўришга доир комплекс чора-тадбирлар тўғрисида”ги қарори вилоятда тажриба тариқасида амалиётга жорий этилган эди.

Унга кўра, 2017 йилнинг 1 июлидан 2021 йил 1 январгача Арнасой, Бахмал, Фориш, Зафаробод, Зарбдор, Янгибод туманларида, шунингдек, Жиззах вилоятининг бошқа туманлари қишлоқ аҳоли пунктларида сартарошхона, пойабзал, кийим-кечак, электр майший ускуналари таъмирлаш сингари хизмат кўрсатиш соҳасида фаолият олиб борувчи якка тартибдаги тадбиркорлар солиқ тўлашдан озод қилинган.

— Ушбу қарор билан вилоятдаги 401 нафар якка тартибдаги тадбиркорга

солиқ имтиёзлари қўлланилди, — дейди Жиззах вилояти ДСБ солиқ маъмуриячилиги бўлими бошлиғи Шерали Сулаймонов. — Бунинг натижасида қарийб 32,5 миллион сўмдан ортиқ маблағ тадбиркорлар фаолиятини кенгайтириш учун улар ихтиёрида қолдирилган.

Тадбиркорлар ўз ҳудудларидаги туман давлат солиқ инспекцияларига мурожаат қилиб, ушбу имтиёزلардан фойдаланиш имконига эга бўлишлари ва маълумот олишлари мумкин.

Толибжон ЭРГАШЕВ
(«Халқ сўзи»).

УНИВЕРСАЛ МАСКАН

Паркент тумани марказида “Китоб олами” мажмуаси очилди. Бундан аввал пойтахтда шундай масканлардан 41 таси фойдаланишга топширилган эди.

Унинг аввалгиларидан фарқи шундаки, муҳташам бинонинг биринчи қаватида жойлашган китоб дўкониди 10 минг нусхада турли мавзулардаги китоблар мавжуд. Бадий адабиётлар, илмий-сиёсий рисола-лар, болалар ва оила қувўноналари ҳам алоҳида-алоҳида бўлимларда ташкил этилган.

Бионинг иккинчи ва учинчи қаватларига ўқув маркази, мактабгача тарбия маскани жойлаштирилди. Ертўласида қандо-

латчилик корхонаси иш бошлаш арафасида. Та-шаббускорлар уни хорижнинг энг илгор ускуналари билан жиҳозлашмоқда. Ҷеҳ фаолият бошлагач, яна ўнлаб паркентлик ёшлар доимий иш жойига эга бўлади.

Мазкур лойиҳани рўёбга чиқариш учун тижорат банкларидан 1,3 миллиард сўм кредит маблағи олинди.

Раҳматилла ШЕРАЛИЕВ
(«Халқ сўзи»).

ЗАРАРКУНАНДАЛАРНИНГ ҲОЛИГА ВОЙ

Охунжон Раҳматов яратган феромон тутқичнинг хусусияти.

Тошкент давлат аграр университети Андижон филиали талабаларининг ихтиролари иқтисодиёт ривожига ҳисса қўшмоқда. Жумладан, Охунжон Раҳматов яратган феромон тутқич экинларга тушадиган зараркунандаларга қарши курашишда қўл келади.

Мослама Олтинқўл туманидаги “Олтинқўл водий гулистони” фермер ҳўжа-лигининг 18,1 гектар пахта майдонида синовдан ўтказилди. Натижада ҳосилдорлик гектарига 3 центнергача ортди.

— Ишланма махсус дастур орқали мобил телефонга уланган, — дейди О. Раҳматов. — Бундан ташқари, ёрит-

қич ҳамда шамол паррак-ларига эга. Айтиш жоизки, ўтган йили филиалда давлат гранти асосида 560 миллион сўмлик 4 та инновацион лойиҳа амалга оширилиши натижасида фермер ҳўжаликларига 91 миллион сўмлик хизмат кўрсатилди.

Саминжон ҲУСАНОВ
(«Халқ сўзи»).

Санъат

Ҳиндистонлик продюсерга Ўзбекистон омад келтирди

Ҳиндистоннинг Мумбай шаҳрида Ҳиндистон Халқаро фильм ва туризм кенгашининг (IIFTC) навбатдаги тақдирлаш маросими ҳамда "IIFTC — 2019" кўргазмаси бўлиб ўтди. Унда 2018 йил давомида ҳинд киноижодкорлари томонидан хорижда суратга олинган кинофильмлар тақдирланди.



Тадбирда Ҳиндистоннинг турли штатларидан келган ижодкорлар билан бир қаторда, 20 дан ортиқ хорижий мамлакатлар вакиллари, шу жумладан, Шри-Ланка, Фижи, Швеция, Сербия, Озарбайжон, Россия, Норвегия ва бошқа давлатлардан таширф буюрган продюсерлар ҳамда мутахассислар иштирок этди.

"IIFTC — 2019" тадбири давомида 2018 йилда Ўзбекистонда суратга олинган "Hoicho Unlimited" фильмининг продюсери ва бош роль ижроچиси Дев Адхикари қатнашиб, ушбу фильми учун "Энг яхши продюсер" номинациясида совринни кўлга киритди.

Дев Адхикари ўз фирмулоҳазарли билан ўртоқлашди.

— Фильмларни суратга олишда жой танлаш масаласи жуда муҳим ҳисобланади, — деди у. — Мен бу масалага доимо ўзгача ёндашишга ҳаракат қиламан. Ўтган йили ўз фаолиятимда илк мартаба Ўзбекистонда фильм сурат-

га олдим. Ушбу мамлакат, бетақор табият манзаралари ва бебаҳо тарихий обидаларга эга. Бу юрт инсонларнинг меҳмонларга ва айниқса, ҳинд киноижодкорларига бўлган ўзгача меҳри ҳамда самимий муносабатини алоҳида таъкидлашни истардим. Фильмни суратга олиш жараёнида жамоамиз билан бу меҳрни доимо ҳис қилиб турдик ва бу, ўз навбатида, лойиҳамиз муваффақият қозонишига сабаб бўлди, деб ўйлайман. Фурсатдан фойдаланиб, фильمنى суратга олишда яқиндан ёрдам берган Ўзбекистоннинг Ҳиндистондаги элчихонаси, "Ўзбеккино" Миллий агентлиги ва Туризмни ривожлантириш давлат қўмитасига ўз миннатдорлигини билдирмоқчиман. Шу ерда жам бўлиб турган барча фильм продюсерларига Ўзбекистонда фильм суратга олишни тавсия қиламан.

«Дунё» АА.
Мумбай

ИЖТИМОИЙ ДОРИХОНАЛАР НОМИГА ТАШКИЛ ЭТИЛГАНМИ?

“Иссиқ жон иситмасиз бўлмас”, дейишади. Тобимиз қочганида шифокор хизматига эҳтиёж сезамиз. У қўлимизга тутқазган рецептни олиб дорихонага борамиз. Негаки, соғайиб кетишимиз дори-дармонга боғлиқ.

Мана шу ҳаётий эҳтиёжлардан келиб чиқиб, сўнгги йилларда фармацевтика соҳасини тубдан ислоҳ этиш мақсадида қатор ҳужжатлар қабул қилинди. Хусусан, Президентимизнинг 2018 йил 14 февралдаги “Фармацевтика тармоғини жадал ривожлантириш бўйича қўшимча чора-тадбирлар тўғрисида”ги қарори асосида аҳолига, олис ҳудудларда яшовчи фуқароларга қулайлик яратиш мақсадида ижтимоий дорихоналар фаолиятини йўлга қўйиш белгиланган.

Жойларда мазкур муҳим ҳужжатнинг ижроси қандай бажарилмоқда? Аҳоли ижтимоий дорихоналар хизматидан розими? Мухбиримиз Бухоро вилояти мисолида шу мавзуда журналист суриштируви ўтказди.

Журналист суриштируви

Бир қарашда ҳаммаси жойида. Аммо амалда-чи?

Маълумотларга қараганда, вилоятда “Бухоро дори-дармон” масъулияти чекланган жамияти томонидан 200 атрофида ижтимоий дорихоналар ҳамда уларнинг шохобчалари ташкил этилган. Улар ижтимоий аҳамиятга эга дорилар ва тиббий буюмлар билан тазминланган.

Жамият ҳамда вилоят соғлиқни сақлаш бoshқармаси кўмағида ижтимоий дорихоналарнинг моддий-техника базаси мустақамланган. Номутахассис ходимлар фармацевтика йўналиши бўйича қайта тайёрловдан ўтказилди. Жамият таркибидagi махсус автомашиналар ёрдамида чекка ҳудудларда яшаётган аҳоли учун кўча ижтимоий дорихоналар фаолияти йўлга қўйилди. Уларнинг ҳаракат жадвали ишлаб чиқилган.

Бир қарашда ҳаммаси жойида. Аммо амалда-чи?

Вобкент туманидаги Янгикент қишлоқ врачлик пунктидаимиз. Маскан бир пайтлар дала шийони вазифасини ўтаган бинода жойлашган. Шарт-шароит ҳаминқадар. Хоналар совуқ. Нақадар галати тўлолмасин, шифо масканида шамоллаб қолиш ҳеч гап эмас. Вахолонки, у 4200 нафардан зиёд аҳолига хизмат кўрсатади. Мудира Ҳалима Гафорованинг билдиришича, зарарсизлантириш хонаси ва хатто, қоровулхона ҳам йўқ. Мудира бизни кўча томонда йирик ҳарфлар билан “Ижтимоий дори-

хона” деб ёзиб қўйилган, дорихона учун ажратилган хонага бошлади. Хонада тўрт девордан бўлак ҳеч вақони учратмадик. “Фармацевт мутахассис топилаётгани учун дорихона иш фаолиятини бошлаганича йўқ”, дея изоҳ берди мудира.

Туман марказидан аттиги олти километр узоқликда жойлашган, аҳоли зич яшаётган ҳудудда нахотки бир мутахассис топилаётган бўлса?!

Уловидан тушови қиммат

— Қарамғимда туғма ногиронлиги бўлган фарзандим бор, — дейди Пешку туманидаги Дедароз қишлоғида яшовчи Суннат Ашуров. — Дори-дармонига ҳар ойда ўртача 150 — 200 минг сўм атрофида маблағ сарфлайман. Қишлоғимизда ижтимоий дорихона у ёқда турсин, хусусий аптека ҳам йўқ. Зарурат туғилганида туман марказига боришга тўғри келади.

Йўл харажати қўшиб ҳисоблаганда, дори 2-3 баравар қимматга тушади. Муқим иш ўрнига эга бўлмаган киши учун бу пулни топиш осон дейсизми? Топганини нукул дориға сарфласа, рўзғори нима бўлади?!

Балки Дедарозга яқин қишлоқларда бу борада аҳвол тузукдир, деган ўйда Ҳўжакон, Янгийўл, Кодравон аҳоли пунктларига йўл олди.

— Дори-дармондан асло сўз очманг, — дейди шу манзиллар аҳолисига хизмат кўрсатадиган

31-қишлоқ оилавий поликлиникаси филиали патронаж ҳамшираси Нодира Нурова. — Филиалимиз ҳудудда 3132 нафар аҳоли яшайди. Қўни-қўшниллар шундай катта ҳудудда дори сотадиган шохобча йўқлигидан қийналиб, бизга мурожаат қилишади. Баъзи зарур дориларни уйга келтириб қўйишимизни сўраб ёлворишади. Уларга бундай қилишга ҳақимиз йўқлигини тушунтирамиз, албатта.

Номаълум сабабларга кўра ишламаяпти

Когон туманидаги “Ўртачўл” маҳалла фуқаролар йиғинига элтадиган йўлдан автомобилда эсон-омон борган киши машҳур “Ралли” автопойгасида ҳам бемалол қатнаша олади.

8-мактабнинг Ўртачўлда жойлашган филиали аттиги икки хонадан иборат. Ажабланарлиси, бу ерда 1 ва 3-синфлар ҳамда 2 ва 4-синфлар биргаликда бир хонада сабоқ олишяпти.

72 та хонадони бўлган қишлоқда чимиллик суви — катта муаммо. “Нурафшон” маҳалла фуқаролар йиғинида жойлашган оилавий поликлиника шифокори, Ўртачўлга бириктирилган Нарзи Эшмуродованинг таъкидлашича, аҳоли техник сувини истеъмолад қилишга мажбур бўляпти. Бу эса турли касалликлар келиб чиқиши эҳтимолини оширмоқда.

— Дори-дармонга эҳтиёж туғилиб қолгудек бўлса, шу ўнқир-чўнқир йўлдан 11-12 километр юриб, туман марказига боришимизга тўғри келади, — дейди ўзини Бахтиёр Қудратов дея таништир-

ган йиғит. — Кўча ижтимоий дорихона, дейсизми? Унинг “қораси”-ни ҳам кўрганимиз йўқ.

Гап шундаки, кўча ижтимоий дорихоналарнинг 2018 йилги ҳаракат жадвалида “Ўртачўл” маҳалла фуқаролар йиғини аҳолисига ҳафтанинг ҳар жума куни хизмат кўрсатиш кўзда тутилган. Бироқ қишлоқ аҳолиси, шунингдек, маҳалла фуқаролар йиғини мутахассиси Лайло Эшова ҳамда узоқ йиллардан буён шу ерда шифокорлик қилаётган Нарзи Эшмуродова бундай дорихонанинг Ўртачўлга келганини эслай олишмади.

Дарвоқе, “Нурафшон” маҳалла фуқаролар йиғинидаги оилавий поликлиника жойлашган бино пештоқида “Ижтимоий дорихона” деган ёзувини кўриб, таскин топгандек бўлди. Аммо шошилган эканмиз. “Дорихона ўтган йилнинг ноябрь ойидан буён номаълум сабабларга кўра ишламаяпти, — дейишди шифокорлар. — Лекин одамлар дорихона очилиб қолгандир, деган умидда халқануз келиб-кегишади”.

Қизиқ, номи бор-у, ўзи йўқ дорихоналар кимга керак? Бу ҳолга ким чек қўяди?!

Нарх-наво хусусийлардагидан баланд

— Ўтган йилнинг март ойидан буён шу ерда фаолият кўрсатиб келямман, — дейди Жондор туманидаги “Оғар-1” маҳалла фуқаролар йиғинида жойлашган ижтимоий дорихона ходими Ситора Тўхтаева. — Ҳамма нарса етарли. Бироқ қишлоқда дори-дармон воситалари билан уйда нақонуний шугулланадиганлар бор. Улар дорини туман марказидаги хусусий дорихоналардан кўтарасига харид қилиб, арзонроқ сотишяпти. Масалан, оғриқ қолдирувчи “Кюпен”дорисининг нархи бизда 5 минг 500 сўм, кўлда эса у 3-3,5 минг сўм. Одамлар арзонига учишади. Оқибатда дорихонамизда савдо яхши бўлмайди. Мен билганларим тўғрисида “Бухоро дори-дармон” масъулияти чек-

ланган жамияти раҳбарларига ҳам, маҳалла участка нозирига ҳам маълумот етказдим. Аммо ҳозирча аҳвол ўзгармаган.

Одамлар дорини эмас келган кишидан эмас, сифати кафолатланган жойдан харид қилгани зарур, албатта. Бу борада ўзибўларчиликка йўл қўйилса, ижтимоий дорихоналар касодга учраши, соҳа ходимларининг ишдан ҳафсаласи пир бўлиши тайин.

Дарвоқе, биз бир қатор хусусий дорихоналарда бўлиб, “Сиз ижтимоий дорихонада ишлашни хоҳлармидингиз?” дея сўраганимизда, ходимларнинг аксариятидан “Йўқ” деган жавобни эшитдик. Бу тизимда муаммолар кўпلىгидан дарак бермасмикан? Шу ўринда яна бир табиий савол туғилади: ижтимоий дорихоналардаги нарх-наво хусусийлардагидан арзон бўлиши керак эмасми? Аслида, эҳтиёжманд оилаларга қулайлик яратиш учун шундай дорихоналар ташкил этилмаганимми?

Башарти, бундай тиббиёт шохобчалари халқимиз ташвишларини енгиллатиш мақсадида очилган экан, улар ўз номига муносиб бўлсин!

Истам ИБРОҲИМОВ
(«Халқ сўзи»).

РЕКЛАМА ВА ЭЪЛОНЛАР

Фахр

Ўзбек қизига жаҳон қойил қолди

Шу кунларда АҚШнинг Лас-Вегас шаҳрида оғир атлетика бўйича ўсмирлар ўртасида жаҳон чемпионати давом этмоқда. Мусобақанинг навбатдаги кўни терма жамоамиз учун омадли кечди.

Гап шундаки, қизлар ўртасида 64 килограммгача бўлган вазн тоифасида қатнашган Кумушхон Файзуллаева даст кўтаришда 93 кг. тошни бўйсундирган бўлса, силтаб кўтаришда 122 кг. натижа қайд этди ва ўзи аввал ўрнатган ўсмирлар ўртасидаги жаҳон рекордини янгилади. Шунингдек, у умумий 215 килограммлик кўрсаткич билан жаҳон рекордчисига айланди.

Учала турда ҳам биринчи натижани кўрсатган Кумушхон жаҳон чемпионатининг учта олтин медалини ўзиники қилиб олди. Бу катта шов-шув бўлди.

Эслаиб ўтамиз, Кумушхон Файзуллаева ўтган йили ёзда пойтахтимиз мезбонлик қилган ёшлар ўртасидаги жаҳон чемпионатида ҳам зафар кучиб, Ўзбекистонлик оғир атлетикачи қизлар орасида илк бор чемпионлиқни кўлга киритган спортчиға айланган. Шунингдек, 2018 йил октябрь ойида Аргентинада ўтган ўсмирлар Олимпиадасида ҳам унга тенг келадигани топилмаган эди.

О. ЛУҲТУЛЛАЕВ
(«Халқ сўзи»).

Ташкилотлар раҳбарлари диққатига!

ЎЗБЕКИСТОН РЕСПУБЛИКАСИ ИИВ МОДДИЙ-ТЕХНИКА ТАЪМИНОТИ БОШҚАРМАСИ

куйидаги маҳсулотларни тайёрлаб, етказиб бериш бўйича савдо танлови ўтказилишини маълум қилади:

тантаналар учун денгиз тўлқини рангли фуражка, денгиз тўлқини рангли, яримжунли матодан тикилган кундалик бош кийими, денгиз тўлқини рангли киши бош кийими, қўй жунидан (табиий) тайёрланган қулоқчин, сунъий мўйнадан тикилган қулоқчин, камуфляж тарзидаги ёзги бош кийими, Ўзбекистон Республикаси ИИВ Академияси тингловчилари учун беретлар, қора рангли беретлар, олачипор рангли

Ўзбекистонда Халқаро картошка кўни 19 март

► Техник тақдимот (спикерларнинг чиқишлари)
► Кўргазма ва кооперацион биржа
► Техника янгиликкари намоиши
► Картошқадан ярим фабрикалар ишлаб чиқарувчи заводнинг очилиши

Фақат мутахассислар учун.
https://potatoday.uz сайти орқали иштирок этишга буюртма бериш мумкин.
Мурожаат учун телефон: 90-906-46-60.

МИНСК АВТОМОБИЛЬ ЗАВОДИ
Беларусь Республикаси

Расмий дистрибьютор Тошкентдаги омбордан тақлиф этади.

Тел.: 93-555-00-95, 93-555-12-88, 71-291-68-94.
www.maz.by
E-mail: maztashkent@mail.ru

Махсулот сертификатланган.

9.00 дан 18.00 гача
71-232-10-63, 71-232-11-15.
E-mail: reklamaxs@mail.ru, reklama@xs.uz

Ўзбекистон Республикаси Президенти Администрацияси ҳузуридаги Аxbорот ва оммавий коммуникациялар агентлигининг Алишер Навоий номидаги Ўзбекистон Миллий кутубхонаси жамоаси Миллий кутубхона директори Алишер Абдушуккурови Абдуазизовга турмуш ўртоғи Озода Мансуровна АБДУАЗИЗОВАнинг вафоти муносабати билан чуқур таъзия изҳор этади.

Халқ сўзи

Народное слово

МУАССИСЛАР:

Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вази́рлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва аxbорот агентлигида 0001-рақам билан рўйхатга олинган. Нашр индекси — 229. Буюртма Г — 356. 68 988 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоסי келишилган нархда.

Газетамиз ҳақидаги маълумотларни қўлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-233-52-55;
Котиби́тлар 71-233-10-28; Эъло́нлар 71-232-11-15.



“Шарқ” нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41. ЎЗА якуни — 23.15 Топширилди — 01.15 1 2 3 4 5 6